

Sámi Heargevuodjin-lihttu

Gilvonjuolggadusat

HEARGEVUODJIN REINKAPPKJØRING



Sierračálus beavdegirjjis

Vuodđudančoahkkimis mii dollui lávvardaga 3.beaivve guovvamánus 2007 Guovdageainnus. Oktiibuot 17 oasálastti (heargevuoddjit, heargeaiggádat - namat leat čállon sierra listui).

ÁŠŠI JČ 06/2007 DOHKEHIT HEARGE GILVVOHALLAN ja NJUOROSTALLAN NJUOLGGADUSAID.

Čoahkkinjodiheaddji čujuhii Interimstivrra evttohuvvon mearrádussii dan áššis. Čuohkin dagastalai ášši, ja dagai čuovvovaš mearrádusa áššis:

Mearrádus:

čoahkkin čujuha interimstivrra evttohuvvon njuolggadusaid ja dohkkeha čuovvovaš heargegilvohallan ja njoarostallan njuolggadusaid:

1.KAPIHTTAL: VUODDONJUOLGGADUSAT SHL:A GILVVOHALLAMIIDDA

§ 1.1 NC- gilvvohallamat (NC loahpageivvohallamat)

NC- gilvvohallamat lágíduvvojít juohke jagi dain surggiin maid Sámi heargevuodjin lihttu lea dohkkehan suorgin.

§ 1.2 Miellahtut

Joavkkut mat oassálastit NC gilvvohallamiidda, galget máksán dan gilvvohallanáigodaga miellahttudivvagiid SHL-ii (Nok. 1000,- serviide ja Nok. 200 jus ii leat miellahttu ovttage searvis muhto sis ii leat jahkečoahkkimis jienastan vejolašvuhta).

§ 1.3 Kvalifiseren

Oassálastit galget gilvvohallamiid bokte maid lihttu lea lágídan kvalifiseret NC- loahppagilvui.

§ 1.4 Gilvvohallanmearrádusat

NC- gilvvohallamiin doibmet SHLa gilvvohallanmearrádusaid mielde.

Máksit miellahttudivvagiid searváí /orohakkii ja liseansa/miellahttudivvagiid lihttui.

2. KAPIHTTAL: NC:A HÁLDDÁHUSLAŠ MEARRÁDUSAT

§ 2.1 Lágideamit

NC gilvvohallamat galget lágíduvvot gaskkal guovvamánu álggus ja cuoŋománu loahpas.

Lágideamit maid SHL ii leat dohkkehan, eai oáččo atnit SHL:a nama.

§ 2.2 Lágideaddji ovddasvástádus

Lea juohke NC:a lágideaddji ovddasvástádus ahte NC lágíduvvo SHL`a gilvvohallanmearrádusaid mielde, mii čujuhuvvo ohcamis ja juohkimis.

Lágideaddji/Teknikkalaš ovddasvástideaddji (TD) leat geatnegahtton váldit nubbi nuppiin oktavuoda buori áiggis ovdal ja maŋimusat mánu ovdal NC- gilvvohallamiid lágideami.

NC - gilvvohallamiid/lágideami ráhkaneapmái ja čadaheapmái galget ráhkaduvvot rutiinnat/bargovuogit.

§ 2.3 Gilvvohallanprográmma

Stivra ja lágídansearvvit ráhkadit ovttas gilvokalendara.

§ 2.5 Diedáhus

Diedáhus NC:ai dahkko lihttu miellahttoservviid bokte.

Diedihandivat eai mákso ruovttuluotta.

Diedáhusa ii sáhte šat rievdadit go leat vássán golbma jándora diedihanáigemeari rájis. Spiehkastat: Go lea geavvan čielga meattáhus dehe formálalaš boasttuvuohta (omd. boasttu joavku jna.).

§2.6 Jury

Jus lihttu ráhkada jury-joavkku, de galget sii doaibmat buot gilvvuin.

Juohke gilvvuin maid SHL lágida, galgá leat jury. NC:a oassegilvvuin jurys galget leat golbma olbmo: TD, okta lágideaddji searvvis ja 1 olggobealde lágideaddji searvi.

Teknikkalaš ovddasvástideaddji (TD)/ juryovdaolmmoš nammaduvvon SHL:as, lágideaddji ovdaolmmoš, láhtu/gilvvohallanbáikki jođiheaddji ja guokte joavkojođiheaddji geat eaba leat miellahtut lágidanjoavkkus.

Gilvvohallamiid oasseváldit eai oaččo leat juryláhtut. Jury-ovdaolmmoš ii oaččo leat lágideaddji joavkku/organisašuvnna miellahttu.

Jury čoahkkana dalle go juryláhttu gáibida. Jury bargu lea e.e

- Geassit herggiid gilvvuide
- dárkkistit ahte lágideamit lágiduvvojit SHL:a gilvvohallannjuolggadusaid mielde.

TD:as lea geatnegasvuohta buktit raportta/čilgehusa SHL:ai.

Jury meannuda váidalusaid ja bidjá sin mearrádušaid fápmui. Jury galgá veardádallat ja mearridit:

- Movt lágideamit lágiduvvojit, jus bohtet váidalusat gilvvohallanprográmma vuodul.
- Galgá go bissehit gilvvohallamiid.
- Galgá go dohkkehit váidalusa/ váidalusaid, ja jus nu; makkár ránggáštusa galgá mearridit (vuolgá das makkár paragrafaide gusket).
- Vástidit gažaldagaid mat eai leat čilgejuvvon SHL:a gilvvohallannjuolggadusain.

Jury mearrádušat mearriduvvojit eanetlogujienain. Jus lea seamma jietnalohku, de mearrida juryovdaolbmo jietna.

§ 2.7 Proteastat/váidalusat

Váidalus gálgá vuolláičállot, galgá buktojuvvot juryi nu farga go vejolaš.

Váidalusa mielde galgá čuovvut 500 kr. Jus proteastta manná čađa, de mákso dat 500 kr ruovttoluotta.

Jury sáhtta gullelaš beliid gohččut gulahallamii, ja jus lea dárbu, sihtat čilgehusa. Jury galgá dahkan mearrádušas áššis/ áššiin ovdal vuoitjuohkima. Jury mearrádušas ii sáhtta váidit .

§ 2.8 Dáhkádus

NC lágideaddji lea geatnegahtton dáhkáhit lágideami, lágideddjiid ja gilvvohallanbáikki dan áigodahkii goas gilvvohallamat leat.

Dát dáhkádus gokčá maid hárjehallama gilvvohallanáiggis/lágidanáiggis.

§ 2.9 Máksu/ divat

Lágideaddji ii sáhte máksit beaiveruđa, biebmoruđa, kilomehterbuhtadusa, bálkká massojuvvon bargobeivviid ovddas dahje eará divvagiid gilvvohallamiid oasseváldiide.

§ 2.10 Bearráigeahčču

Jury, lágideaddji ja joavkojodiheaddjit galget bearráigeahččat ahte oasseváldit dollet gilvvohallannjuolggadusaid.

§ 2.11 NC vuoti

Juohke luohkás juohke suorggis, mat leat SHL suorggit, nammaduvvo NC- vuoitit.

§ 2.12 Johtuvuoittut (Vandrepokaler)

SHL:a stivra ja vuottu addi mearrideaba johtuvuoittu eavttuid. Jus eavttuin ii namuhuvvo eará, de manná johtuvuoitu dasa geas lei buoremus boađus mañemus gilvvus.

Čuovvovaš surggiin sáhttet leat johtuvuoittut:
- muđui surggiin maid SHL mearrida.

§ 2.13 Johtuvuoittut ja bálkkašumit

SHL:a ja lágideaddjit searvvit sáhttet juohkit ruhtavuoittuid mearriduvvon njuolggadusaid bokte.

§ 2.14 Čujuhanmearrádusat/ referánsamearrádusat

Juohke suorggis leat gilvvohallannjuolggadusat oktan vuđolaš mearrádusaiguin maid galgá čuovvut. Jus boahtá ášši dehe váttsivuohta mii ii čilgejuvvo dain njuolggadusain iige mearrádusain de galgá jury dahkat loahpalaš mearrádusa.

§ 2.15 Bohtosat

Lágideaddji galgá sáddet buot bohtosiid SHL:ii ja serviide mat oassálaste gilvvohallamiin.

3. KAPIHTTAL 2-2 RÁDGGÁŠTUSMEARRÁDUSAT

§ 3.1 Jávkan diedihuvvon gilvvohallamiin

Joavku mii lea diedihvan SHL:a gilvvohallamiidda lea čadnon čadahit gilvvohallamiid, earret go erenoamáš dilálašvuodain mat dagahit ahte joavku hehttejuvvo oassálastit gilvvohallamiin.

Jus joavku mii lea diedihuvvon gilvvohallamiidda áigu geassádit, de ferte dan dahkat lágidanjovkui ja SHL:ii áiggil.

§ 3.2 Ráŋggáštusat

Ráŋggáštus sáhtta leat várrehus, eretbidjan dahje čuovvovaččat:

Várrehus:

Čálalaš dahje njálmmálaš várrehus gos boahtá ovdan makkár mearrádušat leat rihkkovuvvon, o.m.d. oinnolaš gárremin, čeargun, áitin/nihttin ja garrudeapmi.

Eretbidjan:

Gilvvohalli biddjo eret gilvvohallamiin ja sihkkovuvvo boađuslisttus.

Eará :

Oassálasti, joavkojodiheaddji dahje lágideaddji geat rihkkot mearrádušaid, ja čájehit nu heitot morála ahte vahágahtta valáštallama máinnolmasvuoda, sáhtta olgguštuvvot SHL:a gilvvohallamiin eanemusat guovtti jahkái.

Miel-láhtu-joavku mii dihtodáhtolaččat rihkku gilvvohallanmearrádušaid sáhtta ráŋggáštuvvot 2500,- gitta 5000,- ruvdnosaš sáhkuiquin. Jus miellahttosearvi roavvásit rihkku mearrádušaid, de sáhtta searvi oktan gilvvohalliiguin olgguštuvvot SHL:a gilvvohallamiin eanemusat guovtti jahkái.

§ 3.3 Njuolggadusaid viidodat

Buot oassálastit, sihke gilvvohallit, joavkojodiheaddjit ja lágideaddjit galget bargat valáštallama vuoinja ja ulbmila mielde. Dát mearkkaša ahte njuolggadusat leat fámus ja gusket buohkaide geat váldet oasi gilvvohallamiin.

§ 3.4 Njuolggadusaid fápmuibidjan

SHL:a gilvvohallannjuolggadusat – vuoddonjuolggadusat (1. ja 2. kap.) ja valáštallansurggiid njuolggadusat (3. ja 7. kap.) biddjojit fápmui jagi 2007 rájis.

4. KAPIHTTAL: HEARGEVUODJIN

§ 3.0 GILVUHALLANNJUOLGGÁDUSAT HEARGEVUODJIMII

Sámi heargevuodjin-lihttu(SHL) čuvvot dáid njuolggadusaid lágideamen heargevuodjimiid.

Gilvvuin galget njuolggadusat leahkit oahpsin ja sadjohis jurymielláhttuide ja eará doaibmaolbmuide.

1: Gilvosuorggit

1. Gilvosuorggit leat

NC NC- gilvu – NC - gilvu

Áigevuodjin

J Joavkovuodjin

C Cupa-gilvvut (1. mielddus)

S Boazostafeahtta guovllulihtuid ja servviide/orohagaide

I-R Reahkavuodjin oktonasgilvvut

I-S Sabetvuodjin oktonasgilvvut

L-S Sabetvuodjin joavkovuodjin

L-S Boazostafeahtta sabeiiguin

J Juniorluohkká sabetvuodjin

N-R Nissoniid reahkavuodjin

I-R: Oktonas vuodjin reagain dáhpáhuvvá ovttain herggiin hávális.

Lea dušše lohpi geavahit árbevirolaš heargereaga. Reagas eai oaččo leat ruovdebihtát daihe eará oasit mat geaigájit. Reagas ožžot leat plastihka jálásasat ja goazaldagat. Reahka galgá deaddit unnimus 15 kg.

2. Vuodjinbána geavaheapmi ovdal gilvvuid

Gilvoherggiid láiden skuhteriin heaittihuvvo diibmobeale ovdal gilvvuid álgima.

Bána steņgejuvvo diibmobeali ovdal gilvvuid álgima.

Sabeiid testen lea lobálaš vaikko bána lea steņgejuvvon.

Čuoggáid rehkenastin

Báhkka luohka čuoggát:

Sadji	1	2	3	4	5	6	7	8	9
Čuoggát	32	31	30	29	28	27	26	25	24
Sadji	10	11	12	13	14	15	16	17	1
Čuoggát	23	22	21	20	19	18	17	16	15 j.n.a.

Nuoraid –ja rábas luohká čuoggat (juniorluohká)

Sadji	1	2	3	4	5	6	7	8	9
Čuoggát	16	15	14	13	12	11	10	9	8
Sadji.	10	11	12	13	14	15	16	17	18
Čuoggát	7	6	5	4	3	2	1		

Jus guovttes ožžot seamma saji/áigi de soai oažžuba seamma ollu čuoggáid. Dat gii bohtá sutno maŋábeallái oažžu guokte čuoggá unnit. (omd. Guokte nuppi sajis oažžuba goappašagat seammá ollu čuoggáid ja dat gii bohtá sudno maŋábeallái oažžu 3. saji)

Jus guovtti dahje eambbo go guovtti hearggis lea oktasaš boadus lea seammá, mearriduvvo boadus:

- Cup-gilvvuin olahuvvon 1., 2., ja 3. sajiid vuodul - Cupas olahuvvon buoremus áigi

-Jus daid vuodul ii čoavdašuva, mearriduvvo dat nubbin buoremus áiggi vuodul.

- Vuoti lea dat, mas leat buoremus áigi gilvvuin/gilvvus

Vuoddi oažžu čuoggáid ieš guđege klássas dušše buoremus vuodjima ovddas.

Erenomaš siva geažil sáhtta Hearge- -Cuppa ovttaskas gilvosuorgi dohkkehuvvot heargegilvvuid oassegilvun ja lágiduvvot maiddái báikkálaš heargegilvvohallamiin

§ 3.1 FORMÁLA GÁIBÁDUSAT

SHL gilvvohallamiidda ferte oasálastti leat miellahttu searvvis mii lea miellahttu SHL:as, jus áigu NC čuoggáid čoaggit. Muđui gal beassá oasálastit.

Oasálastit gilvvuide ožžot dat hearggit ja vuodjit mat leat dieđihuvvon áiggebále.

Oasálastinmáksu sihkkovuvvo, dan sadjái oažžu juohke searvi ohcat ruđa lihtus lágideapmái.

§ 3.2 NC- loahppagilvvut/finála

NC- loahppagilvvuide ožžot searvat 16 buoremus hearggi.

Stafehtas gaskal orohagaid / servviid sáhtta NC- oasálastti hearggit searvat.

Gilvvohallamiid duopmáriid mearrádusa vuodul NC- vuodjima joavkovuodjima joavkkuid sturrodat rievddada golmma ja guđa hearggi gaskas (3 – 6).

§ 3.3 Gilvvohalliid ráddjen

Almmolaš gilvvohallamiidda ožžot oasálastit báhkka luohkká, rabasluohkká ja junior luohkká hearggit. (2018 leat guokte luohká – senior- ja juniorluohkká)

Kvalifiseren odđa hearggiid klipsa vuodjimis 1000 m mátkkis lea áigi 1.30,0 dahje vuollel dan.

Kvalifiseren báhkka luohkkái lea 1.21.0

Sierra čuoggá klipsa- vuodjimii lea ahte sáhtta geavahit giehtadiimmu.

Kvalifiserejuvvon heargi gálgá merkejuvvot SHL:a nummarastojuvvon bealljemearkkain.

Ráttkagilvvohallamiid ii oaččo oasálastit varit, guovttejahkásaš varis boazu.

SHL:a gilvvuide biddjojuvvojit dušše SHL:a nummarastojuvvon bealljemearkkat.

Heargegilvvohallamis ja ráttkavuodjimis vuoddji galgá leat unnimusat 15 jagi deavdán, dahje deavdá 15 jagi dan jagi gilvobaji (odđajagimánnu – cuoŋománnu) áigge goas gilvvohallá.

(Searvvit sáhttet ohat dispensašuvnna jus kuska ii leat vel deavddan 15. jagi. Lihttu stivrra mearrida juohke ohcama sierra).

Juniorluohkás vuoddji galgá leat unnimus 10 jagi deavdán dahje deavdá 10 jagi dan jagi gilvobaji (odđajagimánnu – cuoŋománnu) áigge goas gilvvohallá. Juniorvuoddji ii oaččo leat boarrásat go 15 jagi deavdán dahje dan jagi gilvobaji (odđajagimánnu – cuoŋománnu) áigge goas gilvvohallá.

Heargegilvvohallamis ja ráttkavuodjimis gilvovuoddji galgá deaddit unnimusat guhtalogivihtta (60) kg oktan vuodjinbiergasiiguin ja sabehiiguin.

Reahkavuodjimis galgá vuoddji oktan regain deaddit unnimusat ovccilogi (90) kg. Nissoniid reahkavuodjimis galgá vuoddji oktan regain deaddit unnimusat ovccilogi (90) kg.

Vuodjinbiergasiidda gullet vuodjinskuovat, sabehat ja áššálaš suodjegahpir.

Vuodjit galget atnit suodjegahpira ja čebatšearbma vuojidettiin.

Sabehiin main leat stállervddat galgá bastilis ravddaid sadjit dahje šliipet.

§ 3.4 Ráttkajoavkovuodjin

Álgo vuoruid vuorbádeapmi dáhpahuvvá nu, ahte seammá bálgosa/orohaga hearggit vuorbáduvvojit eará joavkkuide. Vuorbádeapmi lea almmolaš. Jus seammá bálgosa/orohaga hearggit leat eambo go joavkkut, dalle ovttá joavkkus ožžot leat máŋga seammá bálgosa/orohaga hearggi.

Álgo vuoruid joavkovuoitin jođáneamos hearggi vuorbáduvvojit sierra joavkkuide gaskavuorus. Gaskavuoru joavkkuid vuorbádeapmi čađahuvvo seammá ládje go álgo vuoru vuorbádeapmi.

Gaskavuoruin ja finálas galgá almmuhuvvon heargevuoddji vuodjit seammá hearggi. Jus heargevuoddji rievdá, ferte rievdadeapmái leat dohkálaš sivva. Gaskavuoruide besset álgovuoru joavkkuid vuoitit ja loahpa áiggiid mielde.

Loahppagilvui besset gaskavuoruid vuoitit. Jus gaskavuoru joavkku vuoitit leat eambo go okta, mearriduvvo dat gii beassá loahppagilvui álgovuoru áiggi vuodul.

Jus gaskavuoru joavkkuid vuotiin lea seamma áigi álgovuorus, vuorbáduvvo dáid gaskkas gii/geat besset loahppagilvui. Jus loahppagilvvus lea seamma áigi mángga hearggis, vuorbáduvvo loahppaboáđus.

Gilvvo klássa loahppagilvuu A-finálie besset gaskavuoru joavkkuid vuoitit (1.), B-finálie gaskavuoru joavkkuid nubbin buoremusat (2.) ja C-finálie gaskavuoru joavkkuid goalmamádiin buoremusat (3.).

§ 3.5 Áigevuodjin

Áigevuodjin čađahuvvo joavkovuodjimiin dahje ovttaskasvuodjimiin. Joavkovuodjimis ja ovttaskasvuodjimis vuolginortnet vuorbáduvvo nu go rátkkajoavkovuodjimis. Jus eambo go ovta hearggis lea seammá áigi, boáđus vuorbáduvvo.

§ 3.6 Hearge-cupa

Hearge- Cupa gilvosuorggit leat áigevuodjin, rátkkajoavkovuodjin dahje kombinašuvdnavuodjin.

Heargegilvvohallamiid cup-gilvvuin galgá geavahit stártabovssaid joavkovuodjimiin.

Hearge- Cupa –gilvvohallamiin galgá leat moallakamera.

Hearge- Cupa gilvvohallamiin galgá leat elektronalaš áigeváldin.

§ 3.7 DIEĐIHEAPMI

Almmolaš gilvuide galgá dieđihit unnimusat guokte (2) jándora ovdal gilvobeavvi (jus gilvu lea lávvardaga, ferte almmuhit duorastaga dii 16.00)., telefodna , E-boasta , girjjálaččat dahje Tele-faxa diibmu 16.00 (áigi doppe gos gilvu lágiduvvo) rádjái. Seammás go dieđiha, galgá almmuhit maiddái hearggi bealljemearkka nummira, hearggi nama ja gii vuodjái hearggi.

Sámi heargevuodjin lihttu (SHL) galgá ráhkadit gilvokaleandara. Sámi heargevuodjin lihttu (SHL) arkiverejit buot bohtosiid álmuhuvvojain gilvvuin.

Gilvvohalli oažžu dieđihit dušše ovta gilvui seammá beavvi. Muhtto reahka-vuodjimii gal sáhtá dieđihit seammá hearggi.

Heargestafeahta joavkkut dieđihuvvojit njeallje (4) jándora ovdal gilvobeavvi. Heargestafeahta joavkkuid herggiid galgá nammadit unnimusat diimmu ovdal stafeahtavuodjima álgima.

§ 3.8 GILVOKALEANDAR JA REGISTTAR

Gilvokaleandar

Čujuhit § 2.6 jury birra

(Jury galgá mearridit
visot mii guoská
gilvvuide.)

Gilvoregistar

Sámi heargevuodjinlihttu (SHL) doallá gilvoregistara, masa merkejuvvojit dat hearggit mat leat searvan almmolaš heargegilvvohallamii, ja daid bohtosiid ja maiddái rátkkavuodjimiid. Almmolaš gilvvohallamis olahuvvon boađus ja rátkkavuodjima boađus merkejuvvo gilvvohallankortii. Rátkkavuodjima čađahan heargi merkejuvvo gilvoheargeregistarii. Juobe okta jury-láhttu ge galgá leat mielde mearrideame go lea klipsavuodjin, sus galget leat klipssat fárus.

§ 3.9 GILVVUHALLAMIID DOAIBMAOLBMOT

Gilvvohallama doaibmaolbmot galget leat:

1. Bearráigeahčči (TD)
2. Gilvvu jodiheaddji
3. Jury oaiveduopmár
4. Gilvoduopmárat (guokte)
5. Moalladuopmár
6. Váldovuolgaheaddji
7. Áigeváldit
8. Gulaheaddji
9. Vuodjindárkisteaddji
10. Gilvvuid čálli
11. Šibitdoavttir, ortnetfávttat ja ambulánsajoavku váldo dárbbu mielde.

§ 3.10 JURY

Sámi Heargevuodjin lihttu (SHL) mearrida almmolaš gilvvuide bearráigeahčči (TD): gii doaibmá seammás jury oaiveduopmárin.

Juohke gilvvuin maid SHL lágida, galgá leat jury. NC:a oassegilvvuin galget jurys leat unnimus golbma olbmo:

TD, okta lágideaddji searvvis ja 1 olggobealde lágideaddji searvvis.

Doaibmaolmmoš, geas lea heargi dehege eará sivas sáhtta oazžut ávkki gilvvohallama bohtosiin, ii sáhte leat dan vuodjima áigge doaimmas go dat čadahuvvo.

SHL:a gálgá dohkkehit jury.

§ 3.11 DOAIBMAOLBMUID BARGGUT

Jury lahttut, oaiveduopmár ja gilvoduopmárat

Jury

- bearráigeahččet njuolggadusaid čuovvuma

- mearridit proteasttaid. Mearrádus galgá almmuhuvvot goappašat beliide ovdal bálkkašumiid.

- Čállet protokolla

- sáhttet arenomaš heajos dálkki ja bána ektui addit ovdal gilvvohallama álggu arenomašmearrádusaid, maid galgá buori áiggis dieđihit oasseváldiide

- Bearráigeahčči

- doaibmá oaiveduopmárin

- merke gilvogirjái vejolaš ránggáštusaid ja vuolláičállá daid.

§ 3.12 Váldovuolgaheaddji

Barggut:

- bearráigeahččet ja oahpistit vuolggaordnejeaddjit doaimma

-bearráigeahččet ja oahpistit herggiid ráhkkaneami vuolggabáikkis

-addit vuolggamearkka ja vuolggahit herggiid

-joavkovuodjimis vuolggahit herggiid ovttatmanos, go veahkkevuolgaheaddji (guhte lea maŋábealde) lea addán mearkka

-gozihit ahte gilvonummar ja joavkovuodjindovdomearkkat leat biddjon riekta

-gozihit ahte hearggit vulget rievttis báikkis ja leat lengejuvvon riekta

-dárkkistit, ahte vuoddi deavdá gáibádusaid ja lea gearggus

Lávžži guhkodat ii ábut guhkit go njeallje (4) mehttera.

§ 3.13 Vuodjindárkisteaddji

Vuodjindárkisteaddjit bearráigehččet veahkkin jury njuolggadusaid ja mearrádusaid čuovvuma gilvvohaladettiin.

§ 3.14 Čáli

Barggut:

- bohtosiid čállin
- gilvoduopmáriid ja bálkkášupmitlávdegotti mearrádusaid ollašuhttin
- gilvohallanbeavdegirjji doallan
- diediheapmi.

Čállis sáhtta leat veahkkebargi.

§ 3.15 VUODJIN

Gilvvohallamis vuodjit vuostebeaivái okta heargi hávális. Joavkovuodjimis hearggit vuorbáduvvojit unnimusat 3 hearggi joavkkuide. Sprintagilvvus vudjet unnimus 2 hearggi joavkkus.

Juniorluohkkás hearggit vuorbáduvvojit unnimus 2 hearggi joavkkus.

Ovttá gilvobeavvvi oážžu ovttain hearggiin vuodjit eanemusat guovtte háve 1000 mehttar b́anas.

Heargegilvvohallamis vuodjji galgá vuodjit seamma hearggiid olles gilvo-áiggi gitta loahpa rádjai. Vuodjji sáhtta rievdadit dušše dohkálaš siva geažil.

Jus ukša ii rahpas ja jus muđui hehttejuvvo:

- Jus álgovuorus dáhpahuvvá, de sáhtta deavdit dakkár heatái gos lea sadji
- sáhtta okto vuodjit áigevuodjimis
- odđasis vuodjit olles heata
- jury mearrida muđui mot dahkojuvvo

§ 3.16 Gilvo luohkká

Gilvohearggit juhkkojuvvojit golmma luohkkái:

1. Báhkku luohkká

Buot herggiin main lea gilvomearka ja áigi mii lea vuollel 1.21.00 besset oasálastit.

2. Rabasluohkká

Buot herggiin main lea gilvomearka ja áigi mii lea vuollel 1.30.00 besset oasálastit.

3. Junior luohkká

Buot herggiin main lea juniorvuoddji ja lea gilvomearka ja áigi mii lea vuollel 1.30.00 ja besset oasálastit.

4. Dovdameahtunluohkká/ reahkavuodjin Eará

hearggit leat dovdameahhtunluohkkás.

Diesa ii dárbbas klipsa

Mearkkaš: Juniorluohkká hearggi olahuvvon áiggi vuollel 1.21.00 ii sáhte heargi sirdašuvvot báhkku luohkkái.

§ 3.17 GILVOBÁNA

Heargegilvohallamat lágiduvvojit 2 000 m dahje 1 000 m guhkkosaš b́anas, man guhkodat mihtiduvvo oaneheamos vuogi mielde mehtara eret b́ana sis-ravddas. Sprintagilvvus b́ana guhkodat lea 201,12 m (1/8 maila).

Vuolggámátki

Vuolggámátkki guhkodat lea guhkimus 15 mehtera ja unnimus 8 m govdat go leat 6 heargi joavkkus. 250 m rájes vuolggasajis sullii 6 m govdat gitta moala rádjái. B́ana galgá leat čielgasit merkejuvvon.

§ 3.18 VUOLGGÁ JA MOALLA

Vuolgga-áigi merkejuvvo, go hearggi njunni lea mannan meaddel vuolggastoalppuid. Heargi ja vuoddji galgaba leat b́ana alde go boahriba mollii. Boahtináigi merkejuvvo, go hearggi njunni lea mannan meaddel moallastoalppuid.

Joavkovuodjimis vuolggámátki lea sullii 15 m ja vuolggaortnet vuorbáduvvo. Joavkovuodjimis vuolgga-áigi merkejuvvo, go joavkku vuosttaš heargge njunni lea mannan meaddel vuolggastoalppuid.

Vuolgagis ožžot leat eanemusat okta (1) veahkeheaddji, dahje jus geavahit stártabovssaid veahkeheaddjit eai oáččo leat lagabus go golbma mehtera eret gilvohearggis. Veahkeheaddji ii oáččo mannat b́ana ala.

Heargestafeahtas veahkeheaddjit oččot leat eanemusat golbma (3).

stártabovssaid maŋjel vuodjinb́ana goappašiid bealde galgá leat áidi unnimusat 50 mehtera mátkkis.

Duopmáriid mearrádusa vuodul čuovvovaš hearggi sáhtta vuolggahit dan maŋjel go ovddit heargi lea mannan meaddel 500 m mearkastoalppu.

Vuoddji sabetnjunit galget leat buohtalaga vuolginhehkiid ovdagežiin.

Go hearggit leat biddjon stártaboksii ja ukša lea giddejuvvon, de ii leat lohpi šat mannat dearpat ja riedjat jus o.m.d. heargi lea náddon. Nu guhkka go ukša lea rabas, de gal lea lohpi, max 2 minuhta!

§ 3.19 Vuodjima hilgun

Vuodjin dohkkehuvvo, jus heargi spiehkasta mañnel go lea mannan meaddel vuolggastoalppuid, muhto vuoddji ii mana olggobeallai bána ja heargi joatká fas mátkki. Jus vuoddji manná eret bánas, vuodjin lea gaskkalduvvan ja dat hilgojuvvo.

Joavkovuodjimis ovdalaččas máinnašuvvon njuolgádus heivehuvvo easka dan mañnel go heargi ja vuoddji leaba mannan 250 m mañnel vuolgaga.

Go vuoddji manná meaddel moallalinjá galget lávži ja vuohtaráipi leat vuoddji gieđas. Jus vuoddji gahččá, muhto viđa (5) minuhta siste bastá joatkit vuodjima, vuodjin dohkkehuvvo. Nuppi gilvohalli ii oáččo muosehuhttit, ja earálágan unohis láhtten lea gildojuvvon bána alde. Jus vuoddji gahččá joavkovuodjimis, galgá son luoitit hearggi luovus.

§ 3.20 Hearggi meannudeapmi ja láhtten gilvobáikkis

Gilvvuid áigge, gilvobáikkis ja bána alde lea bohcco ránggášteapmi, dápman, oahpaheapmi ja garrudeapmi gildojuvvon ja vuoddji galgá doalahit buori vuodjinvuogi. Hearggi oážžu vuoddji hobeht jietnademiin ja lávžžiin. Joavkovuodjimis huikimiin hobeheapmi lea gildojuvvon. Vuoddjis ii leat lohpi huškkut stártabovssa ovddal vuolgima.

Gilvvohallanbáikkis lea alkohola geavaheapmi gildojuvvon ja sáhtta biddjojuvvot eret gilvobáikkis.

§ 3.21 Herggiin vuodjin

Almmolaš heargegilvvohallamiin sabetvuodjimis galgá bohcco vuodjit/stivret ovttain lávžžiin. Guvttiin lávžžiin dehege suittiiguin vuodjin ii dohkehuvvo. Badjelmearálaš vuohtaráippi geavaheapmi lea gildojuvvon.

Reahka vuodjimis oážžu geavahit guokte lávžži /suihteid.

Sabet vuojedettiin vuoddji ii oáččo luistet sabeiiguin. Eará gilvvohallamiin lágideaddjis lea vuoigatvuohta mearridit, mo vuodjin čađahuvvo.

Reahka vuodjimis vuoddji galgá leat reagas.
Vuodjin galgá álot čađahuvvot mañábealde hearggi.

Joavkovuodjimis lávžži ja vuohtaráippi geavaheapmi doaresguvlui lea gildojuvvon.

§ 3.22 LÁVŽŽIT JA LEAĐGGAT

Leaŋggat sabetvuodjimis ožžot leat dábálaš leaŋggat dahje erenomaš gilvoleaŋggat, go beare geassin boahtá vuohtaráippi láchkai. Leaŋggat galget leat badjelis go heargi olle mollii. Lávži galgá vuolgit gáibbe vuolde.

Vuodjinlávžži guhkodat ii oáččo leat badjel 4,0 m virgos mihtiduvvon iige vuohtaráipi oáččo leat guhkit go vuodjinlávži dalle go heargi lea leaŋggain.

§ 3.23 BÁLKKÁŠUMIT

Ruhta bálkašumit

Lágideaddjit mearridit bálkašumiid juohke gilvvus.

Johtti bálkkašupmi

Johtti bálkkašumis gilvvohaladettiin lea lágideaddjis vuoigatvuohta dáid njuolggadusaid olis addit erenomaš mearrádusaid.

§ 3.24 RÁDGGÁŠTUSAT

Hearge-eaiggát dahje vuoddi, gii rihkku gilvvohallannjuolggadusaid dahje vuodjinortnega danin ahte oažžu alcces vuoigatvuođaheamet ovdduid dahje láhtte unohasat nu ahte rihkku almmolaš ortnega ja vieru, ránggáštuvo:

- almmolaš váruhusain
- bálkkašumi manaheapmi
- earuheapmi gilvvohallamis
- eret celkojuvvo gilvvohallamiin mearreáigái.

Jury dahká mearrádusa áššis. Jury mearrádusa ii sáhte váidit.

Heargegilvvohallamiin gávnnavuvvon gildojuvvon ávdnasiid geavaheamis ja teasttaid váldima gielldimis ránggáštuvojit hearge- eaiggádat ja ieš heargi viđa jagi gilvvohallangiellidusain. Bálkkašumi galgá máhcahit lágideddjiide 14 jándora siste. Gilvoduopmárat mearridit ránggáštusaid.

Lágideaddji galgá girjjálažžat dieđihit ránggáštusain SHL`ii.

§ 3.25 HÁLDDÁHUSLAŠ MEARRÁDUSAT

Gilvvohallit galget dovdat gilvvohallan- ja vuodjinnjuolggadusaid ja sii galget seamma láchkai go gilvvuid doaibmaolbmot čuovvut addojuvvon rávvagiid.

Almmolaš gilvvut dieđihuvvojit gilvokalendaris mii almmustahtto Sámi heargevuodjin lihttu (SHL) ja guovllulihtuid bokte.

§ 3.26 Gilvvohallanbohtosat

Lágideaddji galgá sáddet gilvvuid bohtosiid golmma beaivvi siste Sámi heargevuodjin lihttui, mas bohtet ovdan maiddái juhkkujuvvon ruhtabálkkašumit ja vejolaš ránggáštusat.

§ 3.27 Dáhkadus

Gilvvohallamiid lágideaddji galgá fuolahit dárbbaslaš dáhkádusaid ja lobiid ohcamis.

§ 4-49.8 Vuodjima ođđasis čađaheapmi ja proteasttat

Jus vuodjin gaskaluvvá dehege vuoddi šaddá bána olggobeallái dakkár sivaidd geažil maidda gilvvohalli ii leat sivalaš iige oaččo das ávkki, sáhttet gilvoduopmárat dohkkehit vuodjima dahje addit gilvvohallái vejolašvuođa vuodjit ođđasit.

Jus hehkkevuolgagis buot hehkiid uvssat eai rahpas, čađahuvvo vuodjin oddasit. Jus buot vuoddjit gahččet, duopmáriin lea mearridanváldi hilgut vuodjima.

Loahppagilvvu ektui proteastta galgá guođđit girjjálaččet diibmobeali virggálaš bohtosiid almmuheami maŋnel.

Eará gilvvuid ektui proteastta galgá guođđit ovttat maŋus go gilvvohallansuorggi nohká.

Proteastamáksu lea 500 kr. Dát máksu máhcehuvvo jos proteasta dohkkehuvvo.

4. KAPIHTTAL: NJOAROSTANGILVVOHALLAMAT

§ 4.1 Njoarostangilvvohallamat

Njoarostallan dáhpáhuvvá ná; njoarostallat vihtta (5) geardde ovttá ja seamma stoalpu dihto njoarostallansajis ieš guđetge guhkkodagas. Suohpanis ožžot leat guokte čoarvegiela. Olggumuš čoarvesurggiid ja ravdastoalppu gaskkas galgá leat okta (1) mehter.

Juohke deaivan addá čuoggáid nu go tabealla čájeha.

Njoarostangilvvohallamat

Luohkká	4 čuoggát	5 čuoggát	6 čuoggát	7 čuoggát	8 čuoggát
10-14 jagi nieiddat/ganddat	7 m	8 m	9 m	10 m	11 m
15 jagi+ nissonat	7 m	8 m	9 m	10 m	11 m
15 jagi + dievddut	11 m	12 m	13 m	14 m	15 m

1. Čuoggáid rehkenastin:

Buoremus boadus lea sus geas leat eanemus čuoggát go lea njoarostan vihtta geardde. Jus leat liikka olu čuoggát de vuoitá son gii anii unnimus áiggi njoarostallamii.

2. Ráttkagilvvohallamat/ Kvalifiseren:

Ráttkagilvu vuosttaš gilvvohallanbeaivvi mearrida geat besset viidásat A-finálie ja B-finálie (loahppavurrui). Gilvu manná áiggi/ Sis geain leat buoremus áiggit besset viidásat. Viidas (5) mannet njuolga A-finála ja vuoti b-finálas manna vel finalii.

Jus ráttkagilvvus leat eambbogiin go 12:iin liikka olu čuoggát dahje áigi de vuitet vuorbis Áigi manná álginsignála rájes gitta lea geargan njoarostemiin ja mannan moalla sárgá badjel oktan suohpanin.

§ 4.2 Gilvvohallanmearrádusat

- 1 Njoarostaladettiin ii leat lohpi duolmmastit rádjiesárgá ala dahje meaddel.
- 2 Njoarosteapmi ii dohkkehuvvo jus darvviha oktanaga eanet go dan ovtta stoalppu.

§ 4.3 Stoalpu

- 1 stoalpu galgá leat 60 cm. allat muohhtagis dahje eatnamis bajas.

§ 4.4 Njoarostallan

- 1 Njoarosteamis lea mihttomearri leat deaivil, njoarostit guhkás ja johtilit.
- 2 Njoarosteapmi álgá oktanaga vuolgagiin, ja sii vulget sajis mii lea 25 m. eret njoarostan stoalppuin. / Gilvvohallit vulget oktanaga 25 mehtera eret stoalppuin.
- 3 2 - 6 gilvvohalli njoarostit oktanaga.
- 4 Mañjel álginsignála gilvvohallit vázzet/vihket dan njoarostansárgái mii lea lagamus stoalppuid (dievddut 11 m:is ja nissonat 7 m:is) ja álget njoarostit. Juohke gilvvohallis lea unnimus 1 m govddu njoarostanbáiki. Mehtara (1 m.) guovttibealde stoalppu leat rávdestoalpput. Njoarosteapmi ii dohkkehuvvo jus darvviha sihke stoalppu ja ravdastoalppu.
- 5 Gilvvohalli galgá bissut oppa gilvvohallanáiggi iežas njoarostanbáikkis.
- 6 Gilvvohalli galgá njoarostit čoarvvi gitta darvviha, dalle son easka beassá joatkit viidáseappot dan sárgái mii lea mehtera mañnelis. Das maid galgá njoarostit gitta darvviha, ja fas sirdit mehtera mañnelii. Nu joatká gitta lea deaivan buot vihtta njoarostansajiin.
- 7 Gilvvohalli gii lea darvvihan viđa geardde, galgá fas viehkat 25 mehtera mollii, doppe gos vuohččan vulggii.
- 8 Son gii vuosttažin geargá njoarostemiin ja olle mollii, son vuoitá. Gilvvohallamis sáhtta váldit áiggi.
- 9 Jus leat eanet go guhtta gilvvohalli, de sáhtta doallat rátkagilvvohallamiid nu ahte vuorbáda gilvvohalliid guovtti dahje golmma jovkui (puljai). Johtilepmosat guđege joavkkus/ puljas besset viidáseappot loahppagilvvohallamii/ finálii.
- 10 Jus leat eanet go 36 gilvvohalli, de ferte doallat rátkagilvvohallamiid, gaskavuoru/ beallefinálaid ja loahppavuoru/ finála. Rátkkagilvvohallamiin besset sii viidáset geat ledje johtilepmosat darvvihit čoarvvi vihtta geardde. Seamma maddái gaskavuorus/beallefinálain. (sámegielas čuožžu vel juoga
- 11 Rátkkagilvvohallamat/ Kvalifiseren:
Rátkkagilvu vuosttaš gilvvohallanbeaivvi mearrida geat besset viidáset A-finalii ja b-finalii (loahppavurrui). Gilvu manná áiggis/ Sis geain leat buoremus áiggit besset viidáset. Vidas(5) mannet njuolga a-finalai ja vuoti b-finalas manna vel finalai. B-finalas leat 6 mielde njoarustan cup cuoggat: 6 buoremusa ožžot čuoggáid

Nummárgalbbat 1- 6 galget leat eará ivnnis go ravdastoalppuin (O). Njoarostanstoalppu ja ravdastoalppu gaskkas lea 1 mehter (1 m.).

Njoarostanguhkkodagat (m):

Dievddut::11, 12, 13, 14, 15

Nissonat: 9, 10, 11, 12, 13

Guhkesnjoarosteami bána/ báiki

Njoarostanbána/ báiki- lea olles gilvvohallanáigodagas seamma sajis.

Gilvvohallama álggadettiin galgá njoarostansadji dievdduide leat 16 mehtera- ja nissoniidda 12 mehtera njoarostanstoalppus eret.

o X

o



njoarostansadji

Dohkkehuvvui ovttajienalaččat.

Karášjohka / Karasjok 5.beaivi guovvamánus 2007.

Čállosa sisdoallu dárkkistuvvo dákko bokte:

Johan Mikkel Bueng

Presideanta

Samuel Gaup

Čáli

Sáddejuvvo: Lihttu miellahttuserviidde Kopiiija: